

*reflexum*, HYPERICUM floribus trigynis, foliis sessilibus lanceolatis approximatis reflexis, ramis tomentosis, panicula terminali.

*Habitat* in Barrancas Americæ. *Franc. Masson.* ʒ.

*Frutex* maior, ramis divaricatis: ultimis foliosis, tomentosis.

*Folia* integerrima, reflexa, incumbentia, perforata, margine nigro-punctata.

*Panicula* rotundata.

*Bracteæ Calycesque* subulatæ.

*Corolla* lutea.

## SYNGENESIA.

### POLYGAMIA ÆQUALIS.

*fruticosus.* SONCHUS fruticosus, glaberrimus, foliis elongatis lanceolatis sinuatis subpetiolatis, umbellis subtomentosis involuocratis, calycibus squarrosis glaberrimis.

*Habitat* in rupibus altis sylvarum Maderæ. *Masson.* ʒ. Similis S. palustri.

*Caulis* crassus, spongiosus.

*Folia* approximata, pedalia, lanceolata, profunde sinuata, in petiolum margine tenuiori decurrentia, supra viridia, subtus glauca, utrinque glaberrima.

*Umbellæ* terminales, sæpe compositæ.

*Involucrum & Involucella* polyphylla: foliis ovatis, recurvis.

*Pedicelli* versus florem tomentosi & foliolis squamosi.

*Flores* Taraxaci, lutei, at pappus non plumosus s. stipitatus.

*Calyx* patulus, imbricatus: squamis laxis, apice subrecurvis.

*tuberosus.* SONCHUS foliis inferioribus runcinatis, superioribus sagittatis.

Sonchus tuberosus. *Syst. veg. ed. 13. p. 594.* ubi una eademque bis occurrit.

*Habitat* in Tartaria.

H. U.

Similis S. tartarico.

*Radix* carnosa, repens.

*Caulis*